

2021



NAALAKKERSUISUT

GOVERNMENT OF GREENLAND

KALAALLIT NUNAATA KITAANI

nipisannik arnarlunnik aqutsinissamik pilersaarut



AALISARNERMUT PINIARNERMULLU
NAALAKKERSUISOQARFIK

IMARISAI

1. Tunuliaqtaasut	1
1.1 Siunertat, periusissiaq atuuffigisaalu	2
1.2 Atuuffiup sivisussusia aamma iluarsaassiniq pillugu aalajangersakkat	2
1.3 Inatsisit aamma ingerlatsinermi akisussaaneq	2
2. Aalisarnermut avatangiisinullu tunngatillugu aalisagaqtigiinnut naatsumik ilisarititsineq	3
3. Siunnersuineq kiisalu aalisarnermi aqutsinissamut tunngavigineqartut	5
3.1 Ilisimatuussutsikkut siunnersuineq	6
3.2 TAC-mik aamma pisassiissutissanik aalajangersaasarnerit	7
3.2.1 TAC-p agguarnera	8
3.3. Malittarisassioriaatsit	8
3.3.1 Pisassiissutit annertussusaannik malittarisassaqartitsineq	8
3.3.2 Aalisarnermi piginnaasanik malittarisassaqartitsineq	8
3.3.3 Sumiiffinni malittarisassaqartitsineq	9
3.3.4 Piffissaq aalisarfiusoq	9
3.3.5 Teknikikkut iluarsartuussineq immamilu uumassuseqarfiusuni mianernartuni aqutsineq ..	9
3.4. Saniatigut pisanik aqqutsineq	10
4. Nalunaaruteqartarnerit nakkutilliinerillu	11
4.1 Nalunaarusiortarneq	12
4.2 Monitoring, Control, and Surveillance MCS (Alapernaarsuineq, Nakkutilliineq Misissuinerlu MCS) ..	12
4.3 Nalunaarutiginnittarnerit	12
5. Innersuussutit ilangussallu	13
Ilangussaq 1. Inatsisit atuuttut immikkut attuumassutilit	13
Ilangussaq 2. Pinngortitaleriffiup ilisimatuussutsikkut siunnersuinera	14
Ilangussaq 3. Saniatigut pisarisuukkat pillugit suliniummut tunngasoq periusissiaq	16
Saniatigut pisanik nalunaaruteqartarneq pillugu qaammarsaalluni paasissutissiarnerit ingerlanneqarneri	16
Piffissap aalisarfiusup naanerata kingunitsianngua nipisanniarneq tunuliaqutaralugu nakkutilliinermi nalunaarusiap tamanut saqqummiunneqarnera	17
Piffissap aalisarfiusup naanerata kingorna aalisarnermik ukiumoortumik naliliineq ...	17
Ilangussaq 4. Agguaassinarnermi najoqqutaq	18



1

TUNULIAQUTAASUT

Foto: Aslak Jensen

1.1 SIUNERTAT, PERIUSISSIAQ ATUUFFIGISAALU

Aqutsinissamut pilersaarummi matumani siunertaq tassaavoq uumassuseqarnikkut inuiaqatigiinnillu akilersinnaasumik piujuartitsinerlu tunngavigalugu Kalaallit Nunaata Kitaani arnarlunniarnissamut (*Cyclopterus lampus*) sinaakkutissanik aalajangersaanissaq.

Aqutsinissamut pilersaarummut taamaalliluni ilaavoq arnarlunnik aningaasarsiutigalugu nipsanniarnermut ukiumut pisassanik akuerineqarsinnaasunik tamarmiusunik (TAC) aalajangersaaneq, Pinnortitalerifimmit sularineqartoq ilisimatuussutsikkut siunnersuineq tunuliaqutaralugu.

Aqutsinissamut pilersaarummi sinerissami qanittumi arnarlunnik nipsanniarneq pineqarpoq, tassa imaappoq tunngaviusumik titarnermiit 3 sõmilimik killeqarfiup iluani, NAFO-p oqartussaaffiani'i sumiiffiliinerit tamakkerlugit, kujataani Nanortalimmit ($60^{\circ}10'N$, $50^{\circ}E$) avannaani Upernavimmut ($72^{\circ}50'N$, $50^{\circ}E$). Aqutsinissamut pilersaarut angusallunnik nipsanniarnermut tunngasuunngilaq, kisianni nipsanniarneq pillugu Namminersorlutik Oqartussat nalunaarutaanni angusallunik nipsanniarneq malittarisassaqtinnejqarpoq.

1.2 ATUUFFIUP SIVISUSSUSIA AAMMA ILU-ARSAASSINISSAQ PILLUGU AALAJANGER- SAKKAT

Aqutsinissamut pilersaarutip matuma aqutsinissamut pilersaarut 2020-imeersoq taarserpaa, 1. august 2021-miillu 1. marts 2025-mut atuutsinneqassalluni, taamani nutaamik naliersuisoqarumaarluni. Taamaattorli aalisarnerup ilusaani, siunnersuisarnermi tunngavis-saatitaasunik assigisaanilliunniit annertuumik allanngorttisoqernerani piffissap ingerlanerani paasisaqartoqernerani nutarterineq ingerlaneqarsinnaavoq. Taamaalliluni aqutsinissamut pilersaarutip maannakkut aalisarnermut naleqqiullugu eqqortuunissaa atorn-eqarsinnaassusialu qulakkeerneqassaaq.

Aqutsinissamut pilersaarummik allannguineq suugaluartorluunniit Naalakkersuisunit akuerineqassaaq. Ilanngussami tapiliunneqartumi allannguinerit Aalisarnermut Piniarnermullu allaffissornikkut isumagineqarsinnaapput.

1.3 INATSISIT AAMMA INGERLATSINERMI AKISUSSAANEQ

Aalisarneq pillugu inatsimmi (Aalisarnermut inatsimmi) kalaallit aalisarnerat pillugu Naalakkersuisut malittarisassiorsinnaatitaapput. Kalaallit Nunaata aalisarnermik oqartussaaffigaani aalisakkanut aalajangersimasunut ukiukkaartumik TAC-mik Naalakkersuisut aalajangersasarput, TAC-ilu kalaallit inatsisaanni nunallu assigiiungitsut akornanni isumaqatigiissutini aalajangersakkat naapertorlugit pisassiissutinngorlugit agguartarlugit.

Kalaallit Nunaanni aalisarnermik aqtsineq tamatumunngalu akisussaaffik Naalakkersuisuniippoq aamma Aalisarnermut Piniarnermullu. Naalakkersuisoq aalisarnermut inatsimmi atuuttumi tunngavissat malillugit aalajangernissamut siunnersuitissanik piareersaa-siortarpoq. Siunnersuutit taamaattut Naalakkersuisut akuttunngitsumik ataatsimiittarnerini aalajangiiffigineqartussanngorlugit (itigar-tinneqartussatulluunniit) saqqummiunneqartarpuit.

Aalisarnermi akuersissutinut pisassiissutinllu tunngatillugu aalajangersakkat sukumiinerusut ilaatigut Aalisarsinnaanermut akuerissutit pisassiissutillu pillugit Namminersorlutik Oqartussat nalunaarutaanni atuarneqarsinnaapput. Aalisarnermut inatsit atuuttoq naapertorlugu suliassanut ataatsimut isigalugu aqtsinermut tunngasutigut Aalisarnermut Piniarnermullu Aalisarneq pillugu Siunnersuisoqatigiinnut tusarniaasarnissaminut pisussaafeqarpoq. Aalisarnermut inatsimmi Aalisarneq pillugu Siunnersuisoqatigiit katitigaanerat aamma erseqqissarneqarpoq. Nipisanniarnermik aqtsineq Aalisarneq pillugu inatsisip saniatigut Nipisanniarneq pillugu nalunaarut naapertorlugu aqunneqarpoq.

¹ Northwest Atlantic Fisheries Organization

2

AALISARNERMUT AVATANGII- SINULLU TUNNGATILLGU AALISAGAQATIGIINNUT NAATSUMIK ILISARITITSINEQ



Nipisaat imaannarmiittuunermik saniatigut aamma Atlantikup avannaani immap naqqanut qanittumiittuuput, pingartumillu Canadap, Kalaallit Nunaata, Islandip aamma Norgep eqqaani siaruarsimallutik. Piffissami suffifiusussami nipisaat sinerissamut qanillattulersarput. Angusalluit amerlanertigut januarip martsillu akornanni sinerissamut apuuttarput. Arnarluit pingasunik-sisamanik ukioqalernerminni kinguaassiorsinnaalersartut angusallunnit sapaatit akunnerinik arlalinnik kingulliullutik apuuttarput.

Nipisaat avannarpasinnerusumi siaruaasimaffianni Kitaatalu sinnerani sananeqaqqaatigut assigiinngissuteqaraluartoq, nipisaqtigiaat ingerlaartarnerannut katitigaanerannullu qanoq annertutigisumik attuumassuteqarnera ilisimaneqannigilaq. Aqutsinissamut pilersaarummi matumani Kalaallit Nunaata Kitaani nipisaat ataatsimoortutut ataasisusutut aqutsivigineqarput.

Arnarluit 48 cm angullugu angitigilersinnaapput agguaqatigiissillugulu 39 cm missaaniittarlutik. Angusalluit 23-30 cm missaaniilersarput agguaqatigiissillugulu 27 cm-iusrutik. Suaassutsit taakku marluk akornanni assigiinngissut alla tassaavoq, angusalluit annertutigut piaqqorfimmik paarsisarmata arnarlunnnullu naleqqiullutik nikerarnikinnerusarlutik. Taamatut suaassutsikkut assigiinnginneranni immikkoortitsilluni arnarlunniartoqarsinnaavoq, tassami angusalluit aalisaatigineqartuni annikinerusumik pisarineqarsinnaammata².

Inuussutissarsiutigalugu nipisanniarneq taamaalilluni arnarlunnut sammisuuveq pingarnertullu suaat tulaanneqartarlutik.

Aalisarneq Kalaallit Nunaata kitaata sineriaa sinerlugu upernaakkut qassutinik ingerlanneqartarpoq, kisiannili sumiinneq apeqquataalluni piffissani assigiinngitsuni aallartinneqartarluni. Suaat pitsaassusaat naammaginaleraangata kujataani aalisarneq aallartittarpoq avannamullu nikittarluni sumiiffinni suffisartut tunngavigalugit. Sikoqarnera aamma aalisarnerup aallartinneranu sunniuteqarsinnaasopoq.

Qassutinik napitaajaaneq umiatsiaaqqaniit ingerlanneqartarpoq. Arnarluit suai nappartani katersorneqartarput, taakkulu tunitivimmut toqqaannartumik assartorneqartussat imaluunniit nappartanik katersisumut angallammut mikinerusumut nuunneqarlutik, kingornalu tuniniaaffimmut assartorneqarlutik.



Foto: Søren Post, Pinngortitaleriffik

2 Takuuk "Assessment of lumpfish (*Cyclopterus lumpus*) in West Greenland based on commercial data 2010-2019", Pinngortitaleriffik (2019)



Foto: Julius Nielsen, Pinngortitaleriffik

3

SIUNNERSUINEQ KIISALU AALISARNERMI AQUTSINIS- SAMUT TUNNGAVIGINEQAR- TUT


3.1 ILISIMATUUSSUTSIKKUT SIUNNERSUINEQ

NAFO-p oqartussaaaffiani 1-imni sinerissamut qanittumi nipsanniarneq pillugu ilisimatuussutsikkut siunnersuineq Pinngortitaler-iffimmit ukiumoortumik suliarineqartarpooq. Siunnersuineq, siunnersuinermi periutsip allaaserineqarnera ilanggullugu, ukiukaartumik APN-imut nassiuuneqartarpooq aamma Pinngortitaleriffiup nittartagaani pissarsiarineqarsinnaalluni (www.natur.gl).

Siunnersuinermut tunngaviusoq, paassisutissat nutarterneqarsimasut takussutissiallu Pinngortitaleriffimmeersuni "Assessment of lumpfish (*Cyclopterus lumpus*) in West Greenland based on commercial data 2010-20xx"-imi takuneqarsinnaapput, taannalu ingerlaavartumik nutarterneqartarpooq.

Kalaallit Nunaanni nipsat tamakkerlugit missiliorneranni atorneqarsinnaasut ilisimatuussutsikkut misissuinerit amigaataaner-anni aalisarnermi naammassisami ataatsimi suaat tulaanneqartut naatsorsorneri (LPUE³) tunngavigalugit piujuartitsineq tunngavigalugu pisat annertussusissaat pillugit ilisimatuussutsikkut Pinngortitaleriffik siunnersuisarpooq. Nalileeriaaseq LPUE tulaas-sinermi paassisutissat aallaavigalugit naatsorsorneqartarpooq.

Pinngortitaleriffik aalisarnerup naammassineqarnerata kingorna KANUAANA'mit katersorneqartunik tunisineq pillugu paasis-sutissanik pissarsisarpooq. Aalisakkanik aalisakkanillu tunisassianik tunisistarnermik nalunaarutiginnittarneq pillugu Nammin-ersorlutik Oqartussat nalunaarutaat naapertorlugu paasisat nioqqutissorfimmit katersorneqartarput, Nalunaarummi tassani ilanggussaq 1-imni aalisarnerup annertussusia, aalisaatigineqartut qanoq ituuneri, sumiiffik piffissarlu pisiortortumut nalunaaru-tigineqartussat pillugit paassisutissat allanneqarsimapput. TAC pillugu siunnersuineq aalajangiinermi najoqqutassaq ataani al-lassimasoq atorlugu aalajangersarneqartarpooq (Takussutissiaq 1).



Assiliaq 1

Pisarineqarsinnaasut (TAC) siunnersuutit pillugit aalajangiisarnernut takussutissiaq

3 Landings per unit effort (LPUE)= aalisartut peqataasut ilaannit tigusillattaarluni suaat tulaanneqartut agguaqatigiisillugu annertussusaat

3.2 TAC-MIK AAMMA PISASSISSIONTANIK AALAJANGERSAASARNERIT

TAC-mik aalajangersaanermi Piujuartitsineq tunngavigalugu aalisarnerup qulakkeernissaanik anguniagaqarneq aallaavigin-eqartarpooq. TAC'p aalajangersarnissaanut aallaaviusoq tassaavoq Pinngortitaleriffimmit suliarineqarsimasoq ukiukkaartumik siunnersuineq.

Inuaqatigiit aningaasaqarneranni inuussutissarsiornermilu pissutsit aallaavigalugit ukiumut pisat annertuumik tassanngaannartumillu nikerartarnerisa pinngitoortinnissaat pissusissamisussaaq. Tamanna tunuliaqtaralugu aqutsinissamat pilersaarut manna malillugu, ilisimatuussutsikkut siunnersuineq naapertorlugu TAC aalajangersarneqassaaq, taamaattorli killiliussap iluani TAC annerpaamik ukiumut 15 %-inik apparinnejqarsinnaassaaq annerpaamillu ukiumut 20% mik qaffatsinneqarsinnaassalluni. Tamanna siunnersuinermi annertuumik appariataartoqassappat qaffariataartoqassappalluunniit aalisakkanik tunisassiorfiit patajaatsumik ingerlatsinissaannut TAC-llu ilisimatuussutsikkut siunnersuinermut naapertuuttunngupallannissaanut iluaqtaas-saaq.

Taamaallaat immikkorluinnaq pisoqartillugu, tassa ilisimatuussutsikkut siunnersuummi innersuussutit kisitsisit akuerisat peqassuseq ataaniippat, TAC-mik aalajangiinissamat maleruagassaq siuliani taaneqartoq avaqquneqarsinnaavoq. Taamaa-lisoqqarnerani ajornartorsiutaasinaasut aaqqiissuteqarnissaq siunertaralugu ilisimatuussutsikkut siunnersuineq aallaavigalugu Aalisarneq pillugu siunnersuisoqatigiit aggersarneqassapput. LPUE'p ataassimappagu B_{lim}^4 malitsigissavaa aalisarnermik unitsitsineq takuuq, ilisimatuussutikkut siunnersuut (takussutissiaq 1). Imatut pisoqartillugu, tassa LPUE ataaniippat $B_{trigger}^5$, kisi-anni B_{lim} qaangeqqallugu, ukioq siulleq TAC'p allannguuta 15%-mik annerpaamik killigitinnejqarsinnaavoq. Ukiup malitsigisaani suli LPUE ataaniippat $B_{trigger}$ kisiannili B_{lim} qaangeqqallugu, malinnejqassaaq ilisimatuussutsikkut siunnersuut ukioq taanna. Taassuma kingorna ilisimatuussutsikkut siunnersuut malinnejqassaaq takuuq, nalinginnaasumik aqutsinissamat maleruagassaq.

Tabel 1 - Najoqqutassat atorneqarnerinut naleqqiullugu pisuusaartitsinerit

Pisuusaartitsineq	Aqutsinermi atugassaq	Inassutigineqartoq
LPUE $B_{trigger}$ ip ataaniippo	TAC annikilliseqqinnejqassaaq, LPUE'p naatsorsorneqartup nalinganik aamma $B_{trigger}$ ip akornanniittumut naapertuutilerluni. Soorlu assersuutigalugu LPUE 90 %-ppat $B_{trigger}$ miit, TAC apparinnejqassaaq 10%-mik.	Aalisarneq pillugu Siunnersuisoqatigiit Pinngortitaleriffimmit siunnersuinermut apparinnejqartumut isummertinniarlugit aggersarneqassapput, siunertarneqarluni TAC mik appariaat nalierneqassasoq 15% mik qaffasinnerussasoq.
LPUE B_{lim} inorpaa imaluunniit assigaa.	Siunnersuineq tassaassaaq aalisarnerup matuneqarnissa. Tamatumunga pissutaavoq aalisakkat amerleriarnerannut aalisarnerup annertuumik ajortumik sunnuteqarsinnaanera (aalisakkanik mikinernik sippulimikk aalisarneq).	Aalisarneq pillugu Siunnersuisoqatigiit aggersarneqassapput piffissamut matusiffiusussamut taassumaluvivisussusisaanut isummernissamat. Piffissamut matusiffiusumut atatillugu maannakkut uumassuse-qarneq, inuuniarieq, aningaarsiorneq avatangiisillu pissutsit eqqarsaataligugit aalajangersarneqassaaq.
LPUE B_{lim} inorpaa assigaluguluunniit	Siunnersuineq tassaassaaq aalisarnerup mianersortumik ammarneqarnera aalisagaqassutsip kingumut $B_{trigger}$ ip qa-angernissaata tungaanut appasissumik pisassiisoqarluni.	Aalisarneq pillugu Siunnersuisoqatigiit aggersarneqassapput, oqaasertalersorlugulu inassuteqaat aalisarnermik ammaaqqinnissamik siunertalik.

Aalisarnermut Piniarnermullu Kalaallit Nunaata Kitaani sinerissamat qanittumi nipsanniarnermut TAC-mik aalajangiinissaq pillugu aalajangiinissatut siunnersummik Naalakkersuisunut saqqummiinnginnerani Aalisarneq pillugu Siunnersuisoqatigiit tusarniaaffigineqareersimassapput aammalu Aalisarneq pillugu Siunnersuisoqatigiit tusarniaanermut akissutaat inassuteqaate-qarnermut tunngaviup ilagissallugit.

⁴ B_{lim} : Biologiskimik naleraq naapertorlugu naliliussaq amerlassutsinut qaangeqquaanngitsoq, soorlu. peqassuseq uunga killissimalluni pitsaangitup tungaanut aallarsimalluni nutaanik takkuttoqarnera malinnaasinnaanani. Assigaa 79.

⁵ $B_{trigger}$: Biologiskimik naleraq naapertorlugu naliliussaq amerlassutsinut, aaliangersimasumik aqutsinermik iliuuseqartitsisoq. Assigaa 119.

3.2.1 TAC-p agguarnera

Kalaallit Nunaata Kitaanut TAC tamarmiusoq aamma Kalaallit Nunaata Kitaani sinerissamut qanittumi nippisannik arnarlunniarnermi aqutsivinni tamani pisassiissutit agguataarnerinik Naalakkersuisut ukiut tamaasa aalajangersaassapput.

NAFO-p oqartussaaffiata ilaanni 1A-F-imi agguassinermeri najoqqutassiaq aallaavigalugu TAC aalajangersarneqassaaq. Agguassinermeri najoqqutassaaq llanngussaq 4-mi nassuaatigineqarpoq.

3.3 MALITTARISASSIORIAATSIT

3.3.1 Pisassiissutit annertussusaannik malittarisassaqartitsineq

Nippisanniarnermut akuersissutinik atulersitsinermut piumasaqaatit najoqqutassallu pillugit aalajangersakkat qaqugukkullunnit atuuttut malillugit ukiut ataasiakkaarlugit atulersinneqartunik piffissamik killigaasumik akuersissutit atorlugit aalisarneq aqunneqassaaq. Akuersissutit inuup nammineq pigisarai sumiifinnullu aalajangersimasunut tunngasuullutik. Aalisarnermut akuersissut pisassiissutillu pillugit nalunaarut naapertorlugu akuersissummut inummut tunngasummat akuersissuteqartoq tunisinermeri najuutissaq.

TAC aqutsivinnut tamanut agguataarneqassaaq. Piffissaq aalisarfiusoq aqutsivimmi aalajangersimasumi qaangiuppat pisassiissut sinneqarpata pisassiissutit sinneruttut aqutsivimmut allamut nuunneqarnissaannut Aalisarnermut Piniarnermullu pigin-naatitaavoq, pisassiissutillu sinneri piffissap aalisarfiusup nalaani aalisarneqarsinnaallutik.

Aalajangersakkat erseqqinnerusut Aalisarnermut akuersissutit pisassiissutillu pillugu Namminersorlutik Oqartussat nalunaartaanni kiisalu Nippisanniarneq pillugu Namminersorlutik Oqartussat nalunaarutaanni takuneqarsinnaapput.

3.3.2 Aalisarnermi piginnaasanik malittarisassaqartitsineq

Nippisanniarneq pillugu Namminersorlutik Oqartussat nalunaarutaat naapertorlugu piffissami 16. juli – 31. marsi nippisannik arnarlunniarnissaq inerteqqutaavoq.

Ukumi aalisarfiusumi aqutsiveqarfinnut aalisarsinnaanermut akuersissutit marluk tunniunneqarsinnaapput. Aqutsiveqarfik najugaqarfiusumut aammalu aqutsiveqarfimmum sananilerisamut.

Nippisanniarneq pillugu nalunaarut naapertorlugu piffissami 1. august 2021-imiit 28. februar 2023-mut ukiuni marlunni inuussutissariutigalugu nippisanniarissamut ingerlataqartunut nuaanut akuersissutit tunniunneqarsinnaanngillat.




Foto: Martin Schiøtz

3.3.3 Sumiiffinni malittarisassaqartitsineq

Kalaallit Nunaata Kitaani sinerissamut qanittumi nipsisanniarneq taamaallaat NAFO-p oqartussaaffiata ilaani 1-im ingerlanneqarsinnaavoq, sinerissap aamma tunngaviusumik titarnerup avataani 3 somilit akornanni. Aalisarn- eq NAFO-p oqartussaaffiata ilaani 1-mi, 1M-mi, 1C-mi, 1D-mi, 1E-mi aamma 1F-im aqunneqarpoq. NAFO-p oqartussaaffiata ilaa 1B aamma immikkoortunut marlunnut 1Ba-mut aamma 1Bb-mut avinnejarnikuovoq. Sinerissamut qanittumi nipsisanniarnermi aqutsiviit takussutissiaq 2-mi takuneqarsinnaap- put. Taakku ilaanni immikkoortunut killeqarfiiq nipsisanniarneq pillugu Nam- minersorlutik Oqartussat nalunaarutaanni erseqqinnerusumik nassuiarn- eqarsimapput.

Nipsisanniarneq aqutsiveqarfinnut agguardeqarsimavoq nipsisaqarfinni aalis- arnerup annertussusia nualerutinut atatillugu agguataarneqarnissaq qulak- keerniarlugu.

Nipsisanniarnermi sumiiffiit ilai timmissanut ineqarfipput. Timmissanut in- eqarfinnut qanittumi angallanneq Timmissanik illersuineq piniarnerlu pillug- git Namminersorlutik Oqartussat nalunaarutaat naapertorlugu malittarisas- saqartinneqarpoq.



Assiliaq 2

immap assinga: arnarlunniarnermi sinerissap qanittuani aqutsiviit. Uanngaaneertoq: Pinngortitalerififik (2020)

3.3.4 Piffissaq aalisarfiusoq

Nipisannik arnarlunniarnermut piffissaq aalisarfiusoq aqutsiveqarfimmiit aqutsiveqarfimmut assigiinngilaq. Aalisarfissani tamani piffissaq aallartiffissaq nutaamik isumaqtigiiusutigineqassaaq, aamma NAFO-p oqartussaaffiani immikkoortut ataatsimoortut ataasiakkalarlugit, ta- maattoril NAFO-p oqartussaaffia 1B immikkoortunut marlunnut NAFO 1Ba-mut aamma NAFO 1Bb-mut avinnejaqqissimasoq pinnagu. Aalisarfiusoq sivisunerpaamik ullunik 60-inik sivisussuseqartussaavoq. Piffissap aalisarfiusup siviussussusilerneqarneranut atatillugu silamik, soorlu sikunik anorersuarnillu ajornartorsiitit iliuuseqarfinginissaannut aalisartunut periarfissiivoq.

Nipisannik arnarlunniak aalisarnerup aallartinnera unitsinneralu najukkani suliffissuarni pisortat aamma aalisarnermi sinniisut akornanni sule- qatigiinnikkut isumaqtigiiusutigineqassaaq. Aalisarnermut Piniarnermullu inassuteqarnissamut atatillugu aalisakkerivimmi aqutsisut aqutsiv- immi aalajangersimasumi piffissaq aallartiffissaq pillugu inaarutaasumik aalajangiissapput. NAFO-p oqartussaaffisa ilaani aalisarneq Naalak- kersuisoqarfimmiit nalunaaruteqartoqarneratigut aallartissaqq.

Piffissap aallartiffiusussap aalajangersarneqarnerani suaat pitsaassusaat, sumiiffimmi nipsisaat arnarluit amerlassusaat, timmissanik imarmi- unik saniatigut pisat annikinnerpaanissaat kiisalu sikumut silamullu atatillugit pissutsit sillimaffigineqassapput. Aalisarnerup ingerlanneqar- sinnaaneranut piumasaqaatit pillugit misissuinissamut, piumasaqaatit ulloq aallartiffissaq sioqqullugu naammassineqarsimanersut pillugit aalisartut ataasiakkat siumoortumik isumaqtigiiusuteqarfinginissaat akuerineqarpoq.

Arnarlunniarneq pillugu Nalunaarut malillugu aalisarneq siusinnerpaamik aallartissinnaavoq 1. april.

3.3.5 Teknikikkut iluarsartuussineq immamilu uumassuseqarfiusuni mianernartuni aqutsineq

Aalisarneq aamma imaani sumiiffinnik mianernartunik aqutsineq Piujuartitsineq siunertaralugu aalisarnerup teknikikkut iluarsartuussivigi- neqarnera pillugu Namminersorlutik Oqartussat nalunaarutaat malillugu malittarisassaqartitsinnullu nassuaanerit piumasaqaatillu piffissami agger- sumi immap naqqa pillugu aqutsinissamik pilersaarummut ilanngunneqassasut naatsorsuutigineqarpoq.

Immami mianerisariaqartut pillugit sukumiisumik toqqaanernut malittarisassaqartitsinnullu nassuaanerit piumasaqaatillu piffissami agger- sumi immap naqqa pillugu aqutsinissamik pilersaarummut ilanngunneqassasut naatsorsuutigineqarpoq.

Naalakkersuisunit siunniunneqarpoq imaani uumassuseqarfiiit manna tikillugu sunnerneqarsimanngitsut ajoquserneqannginnissaat. Nipisanniarnermi qassutit uninngatitat taamaallaat atorneqajqusaapput, imap naqqanuit imaaniilu ummasoqarfinnut mianernartunut qajassuussisut. Nalunaaruteqarnermi, ilisimatuussutsikkut misissuinermi imaluunniit nakkutiliinermi aalisarnerup siaruarsimanerani malunnartumik allann- gortoqarsimanera paasineqarpat, Aalisarnermut Piniarnermullu, Pinngortitalerififik aamma Aalisarneq pillugu Siunnersuisoqatigiiit isumasi- oreerlugit sumiiffiit mianernarsinnaasut illersorniarlugit aalisarneq killiliarsuiffigineqassanersoq naliliissavaa.



Foto: Aslak Jensen

3.4 SANIATIGUT PISANIK AQQUTSINEQ

Nipisanniarnermi pisarisuukkat Aalisarnermi saniatigut pisat pillugit pillugit Namminersorlutik Oqartussat nalunaarutaat aamma Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat naapertorlugit iliuuseqarfingineqassapput nalunaarsorneqarlutillu. Nipisanniarneq pillugu Namminersorlutik Oqartussat nalunaarutaat saniatigut pisanik aamma malittarisassaqartitsivoq.

Saniatigut pisat tamarmik nalunaarutigineqassapput. Saniatigut pisat tamarmik pisiortortumut tunineqartut nipisanik tunisinerup nalaani pisarneq malillugu pisiortortumit nalunaarutigineqassapput. Taamaalilluni saniatigut pisat pisassiinermik tunngaveqartumut aalisarnermut ilaapput, annertussusaalu pisassiissutinit ilanngaatigineqassallutik.

Nalunaaruteqarnermi nakkutilliinermiluunniit uumasut aalajangersimasut pisarisuukkat sumiiffimmi piffissami luunniit sivikit-sumi amerlappata, Aalisarnermut Piniarnermullu Pinngortitaleriflik aamma Aalisarneq pillugu Siunnersuisoqatigiit suleqatigalugit uumasut uumassusilerinermut atatillugu killiffia eqqarsaatigalugu saniatigut pisat annertussusiisa naammaginartumik annertussuseqarnissaannut immikkut iliuuseqarnissaq qulakkeerneqassanersoq nalilissavaa. Taamatut iliuuseqarnermi sumiiffimmi imaluunniit piffissakkaartumik matusinerit iliuusissalluunniit allat pineqarsinnaapput, tamatumani lu uumassuseqarnermi pisinnaasat saniatigut uumassuseqartut artukkinnginnissaat qulakkeerneq-assaaq. Imaani uumasut miluumasut timmissallu mianersuutassatut nalilerneqartut immikkut tassani eqqarsaatigineqassapput, takuuk IUCN Kalaallit Nunaanni nungutaaratarsinnaasunut allattuiffik.

Aqutsinissamut pilersaarutip piffissami atuuffiani aalisarnerup timmissanut imarmiunut ima annertutigisumik sunnerneqarnerinut - allaat uumasut taakku atugarliortilerlugit - naliliinissamut amerlassutsinut atatillugu paassisutissanik naammattunik pissarsinissamut immikkut suliniuteqartoqassaaq.

Saniatigut pisat pillugit suliniuteqarnissamut periusissiaq ilangngussaq 3-mi takuneqarsinnaavoq.

6 International Union for the Conservation of Nature (Pinngortitap Allanngutsaaliornera pillugu Nunat Tamalaat Kattuffiat) – IUCN




Foto: Aslak Jensen

4

NALUNAARUTEQARTARNERIT NAKKUTILLIINERILLU

4.1 NALUNAARUSIORTARNEQ

Nipisanniarluni aalisarnermi nalunaaruteqartarnerit assigiinngitsut arlaliupput, aalisartup pisortortullu naamassisassaat. Aalisarnermik nakkutilliineq pingaarnertut aalisartumiit pisortortumut aalisakkanik aamma aalisakkanit tunisassianik tunisinikkut ingerlanneqassaaq, tassungalu ilanngullugu aamma aalisartup pisaanik KANUAANA'mut pisortortup nalunaaruteqarnissamut pisussaaffiatigut. Tunisinermi pisat tamaasa pillugit paasissutissanik ilanngussisoqassaaq, tassunga ilanngullugu saniatigut pisat igitallu.

Akuersissut inummut aalajangersimasumut akuersissutaavoq. Tunisinermilu akuersissummik piginnittoq najuuttussaavoq.

Angallatit mikinerusut (takissutsimikkut 9,4 meterinik naannerusut) angallammi allattaaveqarnissamut pisussaaffeqanngillat, taamaallaallu tunisinermi pisat nalunaarutigisussaallugit.

4.2 MONITORING, CONTROL, AND SURVEIL-LANCE MCS (ALAPERNAARSUINEQ, NAKKUTILLIINEQ MISISSUINERLU MCS)

Aalisarnerit nammineerluni aalisariutiniilluni nakkutilliinkut allaffissornikkulluunniit KANUAANA-mit isumagineqarput. Sinerissamut qanittumi aalisarnerit imatut nakkutigineqartarpuit:

- Tunisinermi paasissutissanik alapernaarsuinikkut, tassunga ilanngullugu nalunaarsuinikkut atortussaatitsinkullu
- Tulaassanik nakkutilliineq ikkut

KANUAANA-p Nuummi qitiusumik allaffeqarfiani aqutsinermi nakkutilliisoqarpoq. Paasissutissat nalunaaruteqartussaatitaaneq atorlugu KANUAANA-mit tiguneqartunik misissuinikkut pisarpoq, tassungalu ilaapput nalunaaruteqartussaatitaanermi paasissutissanik upernarsaneq. Aalisakkanit tunisassianik pisortortut tamarmik pisussaapput elektroniskimi tunisinerit tamaasa paasissutissanik nassiussissallutik, tassungalu ilaapput assersuutigalugu imaani miluumasumik, timmissanik imarmiunik, korallinik pupinnillu pisat. Paasissutissat sapaatip akunnikaartumik nassiunneqartassapput aamma kukkunersiorneqartassallutik, aamma aalisarneq pillugu qarasaasiaqarfimmut LUL'i mi ik-kunneqassallutik taamaailluni pisassiissutit sinneruttut qanoq annertutiginersut naatsorsorneqarsinnaalluni. Aalisartoq pisat tamaasa pillugu paasissutissiinissamut pisussaavoq, aamma tunisassiat tulaanneqanngitsut pillugit.

Aamma ingerlaavartumik pisassiissutinit ilanngaatit ajornanngitsumik siumut naatsorsusoqartarpooq, aalisarnerup qaugu matuneqarsin-naanera missiliorsinnaajumallugu. Nipisanniarneq ukiup ilaannaani ingerlanneqartarmat piffissami sivikitsumi paggatassiiilluni aalisarnerummat ulluinnarni pisat annertuumik allangorarsinnaasarpuit, tamannalu ullup matusifissap missiliornissaanik unammillernartitsilluni.

Pisassiissutit tamakkerneqalernerit qanillineqarpat ullukkaartumik nalunaaruteqartarnissamut tunitsivinnut KANUAANA peqqusinnaavoq. Tassa aalisarnerit qanimut nakkutiginerujumallugit piffissarlu eqqorlugu matusisoqarniassammat taamatut iliortoqartarpooq. KANUAANA aalisarnernik tamanik matusinissamut oqartussaasuovoq. Matusineq pillugu tusagassiorfitsigut nalunaaruteqartoqassaaq.

Ilaatigut amerlanngikkaluartumik matusinerup kingorna sumiiffimmi aalajangersimasumi pisassiissutit sinneqarsinnaapput. Taama pisoqarnerani APN suleqatigalugu KANUAANA naliliissaq pisassiissutit sinneqarsinnaapput. Taama pisoqarnerani APN suleqatigalugu KANUAANA naliliissaq pisassiissutit sinneqarsinnaapput.

KANUAANA aalisarnermik nakkutilliisoqarpoq imaani tulaassinernilu sinerissamut qanittumi aalisarnermik nakkutilliinnaasunik. Tulaassinermi nakkutilliineq KANUAANA'p aalisarnermik nakkutilliisunit ingerlanneqartarpooq, aalisaatinik uninngaannartunik aamma imaani aalisarnermik nakkutilliinissamut pisiginnaatitaasunit kiisalu tunitsivinni tunisinerik nakkutilliisut.

4.3 NALUNAARUTIGINNITTARNERIT

Aalisarnermi malittarisassanik unioqqutitsisoqarnerani KANUAANA-mit politiinut nalunaarutiginnittooqarsinnaavoq.

Inatsisini atuuttuni aalajangersakkanik unioqqutitsinerit tamarmik akilisitaanermik kinguneqarsinnaapput. Kalaallit Nunaanni aalisarneq pil-lugu inatsisit attuumassuteqartut tamakkerlutik inatsisit gl aqqtigalugu pissarsiarineqarsinnaapput.

Kalaallit Nunaanni aalisarnermi malittarisassanik aklisumiluunniit piumasqaatinik unioqqutitsineq taassuma atorneqarsinnaatitaane-ranuit killiliissutinik kiisalu pissutsit ilungersunarnerutillugit imaluunniit unioqqutitsisoqartillugu piginnaatitaaffimmik arsaarinninnermik kinguneqarsinnaapput. Tamanna naalakkersuisut aalajangissavaat, nalunaarutigineqarnerani illu 15-it qaangiutsinnagit Kalaallit Nunaata Eqqartuussivianut tamanna ingerlateqqinnejqarsinnaavoq.

ILANNGUSSAQ 1. INATSISIT ATUUTTUT IMMIKKUT ATTUUMASSUTILLIT

- Aalisarneq pillugu Inatsisartut inatsisaat nr. 18, 31. oktober 1996-imeersoq kingusinnerusukkut allannguutilik
- Nipisanniarneq pillugu Namminersorlutik Oqartussat nalunaarutaat nr. 22, 22. juni 2021-imeersoq
- Piujuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersoq.
- Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-imeersoq
- Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 47, 18. december 2020-imeersoq
- Piujuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 12, 17. november 2011-meersoq
- Aalisarnermi saniatigut pisat pillugit Namminersorlutik Oqartussat nalunaarutaat nr. 14, 6. december 2011-imeersoq
- Sinerissamut qanittumi aalisarnermit pisanik nalunaarutiginnittarneq pillugu Namminersorlutik Oqartussat nalunaarutaat nr. 15, 22. december 2011-meersoq
- Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 16, 22. december 2011-imeersoq
- Timmissanik illersuineq piniarnerlu pillugit Namminersorlutik Oqartussat nalunaarutaat nr. 17, 28. oktober 2019-imeersoq
- Kitsissunnguit eqqisisimataanissaat pillugu Namminersornerullutik Oqartussat nalunaarutaannut siunnersuut nr. 11, 17. april 2008-meersoq

Kalaallit Nunaanni aalisarneq pillugu inatsisit tamakkerlutik inatsisit.gl aqqutigalugu pissarsiarineqarsinnaapput.

ILANNGUSSAQ 2. PINNGORTITALERIFF-IUP ILISIMATUUSSUTSIKKUT SIUNNERSUINERA

Tassunga ilanngullugu siunnersuinermut tunngavagineqartut naatsumik allaaserineqarneri. Siunnersuinermut tunngavagineqartut pillugit sukumiinerusut pillugit uunga innersuussisoqarpooq: "Assessment of lumpfish (*Cyclopterus lumpus*) in West Greenland based on commercial data 2010-20XX".

LPUE-mik naatsorsuinissamut paasissutissanik immikkoortiterineq

LPUE-mik naatsorsuinissaq sioqqullugu paasissutissanik immikkoortiterinissaq pisariaqarpoq, taamaaliornermi paasissutissat pitsaassusaannik amerlassusiinillu tamakkiisumik nalilersuisoqarnissaa qulakteerniarlugu. Tamatumani maleruagassat makku aalajangersarneqarput:

- Aalisartoq aalisarnermik ingerlatsinissamut sivikinnerpaamik ukiuni 3-ni aalisartooreersimassaaq.
- Aalisartoq tunisinerit nalaanni suannik ikinnerpaamik 500 kiilunik pisaqareersimassaaq. Taamaalilluni aalisartut piffissami annikitsuinnarnik pisqaqrmasut peersinneqassapput.
- Suaat 500 kiilut sinnerlugit tunisinerit tamarmik immikkoortiterneqassapput. Taamaalilluni nalinginnaasumik aalisartumiit aalisarnermik inernerterit naapertuutilerutlik.
- Aalisartoq ataaseq ukiut akornanni imaluunniit ukiup ataatsip ingerlanerani aalisarfigisani nuunniarlugu toqqarpagu, taamaalillunilu NAFO-p oqartussaaffiini immikkoortuni ikinnerpaamik marlunni pisqaqluni, aalisartoq aalisartutut marluiutsutut isigineqassaaq.

Misissueqqissaarneq

NAFO-p oqartussaaffiini tamani ataasiakkaani ukiuni ataasiakkaani aalisartut ataasiakkaat tunisineri tamarmiusut missingern-eqarsinnaapput. Ukiumi ataatsimi sumiifimmuit ataatsimut aalisartunut ataasiakkaanut LPUE naatsorsorneqassaaq.

Aalisartut ataasiakkaat LPUE-at NAFO-p oqartussaaffigisaasa ilaanni aalajangersimasumi aalisartut pisarisimasaannut tamarmiusunut naleqqiunneqassaaq. Taamaalilluni pisaqarluarsimasut, taamaalillutillu kisitsisitugt paasissutissanik amerlanerpaanik tunniussisut, aamma LPUE-p inernerata nalilersornerani naleqqiunneqarnerpaajussapput.

Aalisartut ataasiakkaat naleqqiunneqarnerat LPUE-mit amerlisarneqassaaq, LPUE-t naleqqiunneqartut katinneqassapput taamaalilluni NAFO-p oqartussaaffiini immikkoortuinut ataasiakkaanut agguaqatigiisitsineq pissarsiarineqarluni. Taamaalilluni immikkut ukiukmut ataatsimut LPUE aamma NAFO-p oqartussaaffiini immikkoortumut tunngasut pissarsiarineqartarput. Misiliuinerni taakkunani taakkununnga ilaasut nalornissutit (Standard Error) ilanngullugit naatsorsorneqartarput.

Kitaata sineriaa tammakkerlugu ukiumoortumik LPUE tamarmiusoq missiliorniarlugu kingumut naleqqiussisoqartarpoq. Maanakkut NAFO-p oqartussaaffigisaani immikkoortut ataasiakkaat immikkoortumi pineqartumi pisanut tamarmiusunut naleqqiunneqassapput. Taamaalilluni immikkoortut amerlanerpaanik pisaqarfiusut inaarutaasumik immikkoortut ataatsit tamarmiusumik tulaassaannut paasissutissanik amerlanerpaanik tunniussisarpoq, tassa agguaqatigiisitsilluni naleqqiussineq.

NAFO-p oqartussaaffigisaanit ataatsimiit tunisinerit arlalitsigut NAFO-p oqartussaaffigisaani allami pisarineqartarput. Pisqarfusoq (sumiiffiup ilisarnaataanik ilisimatitsissutigineqartoq) pisat naatsorsornerinut atorneqassaaq, suaat sumi pissarsiarineqarsi-manerink eqqortumik paasissutissiinissaq anguniarlugu. Ukiut siuliini, tunisinernut arlalinnut sumiiffiup ilisarnaataa pillugu paasissutissat amigaataatillugit taarsiullugu tunitsiviup sumiinnera atorneqartarpoq.

Paasissutissat pissarsiarineqartut

Kitaani naleqqersuut LPUE aamma NAFO-p oqartussaaffiinut ataasiakkaanut, ilanngullugittaaq nalornissutaasut.

Piffissaq najoqqutaasoq

Aqutsinissamut pilersaarummi matumani anguniakkap anguneqarnissaa siunertaralugu qulakteerneqassaaq pisat imatut qaf-fasissuseqassasut piffissamit najoqqutarineqartumit (2010-2013) LPUE'p agguaqatigiisillugu LPUE annertuumik appasinneruleratik.

Najoqqutatut LPUE = tunisinermi ataatsimi suaat 157 kiilut.

Piffissaq najoqqutaasoq piffissami agguaqatigiisillugu uumasutigut najoqqutarineqartut aalisarnermut annertusiartortumut ikorfartuisinnaanera naatsorsuutigalugu toqqarneqarpoq, tamatuma ersersillugu piffissami sinneqartumik aalisartoqarsimanngitsoq. Taamaattuumik piffissaq mianersortumik najoqqutatut ilanngunneqarpoq.

Tunisinermi paasissutissat LPUE-mik naatsorsuinermut tunngaviusinnaasutut ilaatigut pitsaassuseqartariaqarput. Pinngortitaleriffik naliliivoq, 2010-miit paasissutissat naammaginartumik pitsaassuseqartut, taamaattumillu piffissap najoqqutarineqartup ukiua siulleq tassaalluni 2010. 2013-ip kingorna 2017 tikillugu pisat appariarput, paasissutissanut tunngavigneqartut pigineqartut tunngavigalugit Pinngortitaleriffimmit tamatumunnga avatangiisitigut pissutsit imaluunniit aalisarneq qanoq annertutigisumik pissutaasimanersoq nassuaatigineqarsinnaanani, taamaattumillu piffissap najoqqutasup ukiua kingulleq 2013-iulluni.

Piffissap sivikitsuunera tunisinermilu paasissutissat taasariaqartut pissutigalugit, aalisarnerup qanoq annertutigisumik aalisagaqassutsimut sunniuteqarsimanera nallleruminaappoq.

Aalisarnerup aamma LPUE-p akornanni ataqtiginnerni nutaamik misissusoqarluni najoqqutaq LPUE allanngortittariaqarluni najoqqutaq LPUE allanngortinneqarsinnaavoq. Taanna aamma naleqqersuutip naatsorsorneranut atorneqartoq aalisarnerni allanngortoqarpal allanngortinneqarsinnaavoq (takuuk llanngussaq 2-mi immikkoortooq "LPUE-mik naatsorsuinermut paasissutissat immikkoortinneri").

Najoqqutarineqartut

Najoqqutat B_{lim} aamma B_{trigger} piffissaq najoqqutaasoq 2010-2013 tunuliaqtalaralugu naatsorsorneqarpoq. Najoqqutat imatut misiliorneqarput:

$$B_{\text{lim}} = 0,5 * 157 = \text{tulaassinermi ataatsimi suaat } 79 \text{ kiilut}$$

$$B_{\text{trigger}} = 79 * \exp(1,645 * 0,25) = \text{tulaassinermi ataatsimi suaat } 119 \text{ kiilut}$$

Paasissutissani tunngavigneqartuni allanngortoqarpal naligitinneqartut allanngorsinnaapput.

Siunissami siunnersuinermut imnmikkoortut isiginiaqassat

Sapinngisamik pitsaanerpaaamik siunnersuinissaq siunertalaralugu nipsannut paasissutissat tunngavigneqartut pitsaangoriartorneri aalisagaqassutsimillu annertunerusumik paasiaqalerneq naapertorlugu pitsaanerulersitsinissaq ingerlaavartumik sulissutigineqarpoq.

Piffissami aqutsinermik pilersaarusrifiusumi immikkoortut isiginiarneqartussat tassaasinnaapput:

SPiCT-naatsorsueriaaseq

2020-mi nipaasat pillugit siunnersuisarnermi suleriaaseq Pinngortitaleriffimmit nalilersorneqarpoq, misissueqqissaaseq; SPiCT atornissaanut periarfissat misissorniarlugit. Tassani inerniliisoqarpoq SPiCT'ip atornissaanut ikorfartuisinnaasunik suli paasisutissat naammanngitsut ("Evaluation of an advice and assessment model (SPiCT) for lumpfish" GN, 2020). SPiCT-naatsorsueriaaseq, inernerit isumannaannerulerpata siunnersuinermi ilaatinneqalernissaa siunertalaralugu ingerlaavartumik misilligarneqartassaaq. Tamatuma tungaanut maannakkut siunnersuinermi periutsimi inernernut ikorfartuisinnaasut inernerit atorneqassapput.

LPUE-mi allanngorarerit

LPUE-mik piffissami tigusani pissarsiarineqarsinnaasuni ukioqarpoq LPUE-mik qaffasitsitsisoqaarpallaarluni. Aalisagaqassutsip allanngorarerata pitsaanerusumik paasineqarnissaa anguniarlugu, allanngorarnernut taakkununnga suut pissutaanersut sulisutigineqassapput, tassunga llanngullugu ukiuni ataasiakkaani silap pissusaata sunniutai.

7 Stochastic surplus production model in continuous time

ILANGUSSAQ 3. SANIATIGUT PISARI-SUUKKAT PILLUGIT SULINIUMMUT TUN-NGASOQ PERIUSISSIAQ

Nipisanniarnermi saniatigut pisat pillugit nalunaaruteqartarnermut atatillugu saniatigut pisarit tamarmik nalunaarutigineqartarnersut tamakkisumik paasineqanngilaq. Taamatut nalornineq illuatungilerniarlugu APN aamma KANUAANA suliniutinik ukuninnga pilersitsissapput:

- Saniatigut pisanik nalunaaruteqartarneq pillugu qaammarsaalluni paasissutissiisarnerit ingerlanneqarneri
- Piffissap aalisarfiusut naanerata kingunitsianngua nipisanniarneq tunuliaqtalaralugu nakkutilliinermi nalunaaru-siap tamanut saqqummiunneqarnera
- Piffissap aalisarfiusup naanerata kingorna aalisarnermik ukiumoortumik naliliineq

Suliniutit taakku matuma ataani itisilerneqassapput.

Saniatigut pisanik nalunaaruteqartarneq pillugu qaammarsaalluni paasissutissiisarnerit ingerlanneqarneri

Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqr-tussat nalunaarutaat nr. 7, 4. april 2016-imeersoq naapertorlugu aalisartoq pissusaavoq aalisakkanit tunisassianik tulaassinermi tulaassineq pillugu nalunaarummik immersuissalluni. Tulaassinermi nalunaarut uppernarsaat taanna ilaatigut timmissanik, imaani miluumasunik aalisakkanillu allanik qanoq annertutigisumik saniatigut aalisart-up pisaqarsimanera pillugu paasissutissanik arlalinnik imaqrpoq. Pisiortortoq pissusaavoq paasissutissat taakku nalunaarsussallugit taakkulu KANUAANA'mut ingerlateqqillugit. Taamaattorli timmissanik imaanilu miluumasunik saniatigut pisaqarsimaguni aalisartoq pisiortortumut nalunaaruteqarnissani eqqaamasarneraa nalornissutigineqarpoq, kiisalu pisat taakku tunitsiviup nalunaarutigeqqittarnerai. Aammattaq nalornissutigineqarluni taamatut pisus-saaffeqarnertik illuatungerit arajutsisimannginnerat.

Pisiortortut aalisartullu pissusaaffinnik taakkuninnga naammassinninersut nakkutigissallugu KANUAANA'p suli-assaraa, kisianni Kalaallit Nunaata kitaani tamarmik illoqarfinni/nunaqarfinni 19-ini tunitsivinni 23-t missaanni nipis-annik aalisarnerup ingerlanerani ullut tamangaajasa tunisisoqartarmat nakkutilliineq ilaannakortumik tigusinertut tamatigut isikkoqartarpoq. Saniatigut pisat nalunaarutigineqartarneri qulakteerniarlugu taamaattumik tunitsiviit aal-isartullu saniatigut pisanik nammineq nalunaaruteqartarnissamut kajumissuseqarnissaat pisariaqarpoq.

Taakkuninnga pissusaaffeqarnerannik aalisartut tunitsivillu arajutsinnginnissaat anguniarlugu nipisanniarnissaq sioqqullugu nalaanilu paasitsiniaarnermik KANUAANA aamma APN ingerlataqarusupput. Eqqarsaatigineqarpoq qaammarsaaneq radiokkut naatsumik ilangussinermik imaqqassasoq, tassani pineqarluni saniatigut pisat nalunaarutigineqartarnerisa pingaaruteqarnera, kiisalu tusagassiorfinnut attuumassuteqartunut allaaserisat marluk pin-gasuulluunniit. KANUAANA ingerlaqqilluni aalisarnerup aallartinneqarnissaata tungaanut tunitsivinnut tamanut all-agaqassaaq, nalunaaruteqarnissamut atatillugu taakku pissusaaffiat erseqqissarneqarluni.

KANUAANA-p aamma APN-ip neriuutigaat saniatigut pisat soq nalunaarutigineqarnissamut nalunaaruteqannginerullu qanoq kinguneqarsinnaaneranik aalisartut tunitsivillu eqeersimaqqunerisigut illuatungerit pitsaanerusumik nalunaaruteqarnissaannut kajumissuseqalissasut, taamaalillunilu tatiginarnerusumik nalunaaruteqartarneq anguneqarlni.

Piffissap aalisarfiusup naanerata kingunitsianngua nipsanniarneq tunuliaqutaralugu nakkutilliinermi nalunaarusiapi tamanut saqqummiunneqarnera

KANUAANA'p nakkutilliinermik suliaqarneranik nalunaaruteqartarneq maannakkut ukiup ataatsip ingerlanerani ingerlaavartumik ingerlanneqanngilaq, kisianni KANUAANA-p ukiumoortumik nalunaarusiaaniilluni, taannalu ukiumut ataasiarluni saqqummersinneqartopoq. Ingerlaqqilluni nalunaarusiammi naatsorsuineq immikkut qaffasissumik itis-ilerneqarsimangilaq, nakkutilliinerullu qanoq atugaatiginera nalilissallugu soqtiginnittunut saperarluni. Tamanna nakkutilliineq naammannersoq pillugu tatiginninnermik pilersitsivoq. Taamaalilluni nipsanniarnermi nakkutilliisut ima annertutigisumik najuunnersut aamma tatigineqanngilersinnaallutik, nipsanniarnermi saniatigut pisanik nalunaaruteqartarnermik paasinnissinnaanermut aaqqissugaasumillu amigaateqartarnerit iluarsisinnaanerinut atatillugu.

Nakkutilliinerup atugaaneranik eqqortumik soqtiginnittunik takussutissiiniarluni KANUAANA 2021-mi nipsanniarnermi nakkutilliineq pillugu nalunaarusiamik sukumiinerusumik tamanut saqqummiussissaq. Eqqarsaat tas-saavoq nalunaarusiaq paassisutissanik ukuninnga imaqassasoq; nipsanniarnermi nakkutilliisimanermut KANUAANA qanoq annertutigisumik piginnaasaqarsimava, piginnaasaq qanoq iluaqtigineqarsimava kiisalu nakkutilliisut sunik takusaqarsimanerannik nassuaateqarnermik.

KANUAANA'p naatsorsuutigaa nakkutilliineq pillugu sukumiinerusumik nalunaarusiamik tamanut saqqummiussineq aalisarnermik nakkutilliinermi ineriarforfiusut suunerinut tunngasut KANUAANA-mut iluaqutaassasut. Ingerlaqqilluni KANUAANA'p naatsorsuutigaa taamatut nalunaarusiamik saqqummiussineq saniatigut pisanik nalunaaruteqarnerit naammaginartuunerl qulakeerniarlugit, nipsanniarnermik naammattumik nakkutilliinera pillugu nalornineq illuatungilerneqarsinnaassasoq, imaluunniit sumi aalajangersimasunik ajornartorsiuteqarnersoq erseqqissarneqarsinnaalluni, taamaalilluni 2022-mi siunnerfeqartumik suliniuteqartoqarsinnaalluni.

Nakkutilliinermi nalunaarusiaq naammagineqarpat isumaliutigineqarsinnaavoq tamanna ukiukkaartumik suliarineqartalissanersoq.

Piffissap aalisarfiusup naanerata kingorna aalisarnermik ukiumoortumik naliliineq

Piffissap aalisarfiusup naanerata kingorna APN-ip KANUAANA kiisalu inuuussutissarsiortut allallu soqtigisaqartut nalilersuilluni ataatsimiinnissamut aggersassavai. Nalilersuilluni ataatsimiinnermi piffissaq aalisarfiusoq qaangiuttoq oqallisigineqassaaq. Ataatsimiinnermi tessani APN-ip aamma KANUAANA-p saniatigut pisanik nalunaarusiaq oqa-luuserisassanut ilanngutissavaat.

APN-ip aamma KANUAANA-p naatsorsuutigaat, ukiumi aalisarfiusup naanerani saniatigut pisat pillugit nalunaarusiamik eqqartuinermi erseqqissarneqassasoq aalisarnermik aqutsineq siumut sammisumik nalinginnaasumik qanoq pitsaanerulersinneqarsinnaanersoq kiisalu saniatigut pisat pillugit nalunaarusiornermut iluaqutaasumik suliniuteqassanersoq.

KANUAANA ukiut tamaasa aalisarnernut assigiinngitsunut nakkutilliinissamut pilersaarusiortarpoq, tamatumu-unakkullu nalilersuineq aamma nakkutilliinermi suliniutit pilersaarusiornernut isumassarsiortoqarsinnaavoq.

ILANNGUSSAQ 4. AGGUAASSINERMI NAJOQQUTAQ

Nipisanniarnermut pisassiissutit ukiuni kingullerni pingasuni pisat aallaavigalugit aqutsiveqarfinnut ataasiakkaanut agguanneqartarput.

Naalakkersuisut TAC-mik aalajangersaasarpot aamma NAFO-qarfimmut 1-imut NAFO-qarfiillu ataaniittunut TAC tamarmiusoq agguuaattarlugu agguuaassinermi najoqqutassat uku malillugit:

- TAC-p 20 %-ia NAFO-p oqartussaaffisa ilaanni assigiimmik agguardeqassaaq.
- TAC-p 80 %-ia ukiut siuliini pingasuni aalisarneq naapertorlugu agguardeqassaaq.
 - Agguuaassinermi ukiut siuliini pingasuni tulaassinermi paasissutissat agguaqatigiissineri KANUAANA'mut nalunaarutigineqarsimasut aallaavi

20 % agguassassat

TAC-ip tamarmiusup 20 %-ia NAFO-qarfiiit arfineq marluk akornanni assigiimmik agguardeqassaaq. NAFO-qarfiiit tamarmik, "X", TAC-imi annertussutsimik assigiimmik tunineqassapput, " M_{20} ", tassa TAC-ip 20 %-ianut naapertuut-toq.

$$\text{Tamanut agguassineq annertoqatigiittooq } X = M_{20(X)} = (0,20 * \text{TAC}) / 7$$

80 % agguassassat

Agguaneq ukiuni kingullerni pingasuni pisat pingaartinnerinik tunngaveqarpoq (t).

TAC-ip tamarmiusup 80 %-ii, tassaasut " M_{80} " ukiuni kingullerni pisat pingaartinneri tunngavigalugit agguardeqarput, tassaasut " t ", tassani t tassaalluni ukioq pisassiissutinut naatsorsuiffiusoq.

Ukiuni kingullerni pingasuni pisat imatut pingaartinneqarput t_1 : 20 %, t_2 : 30 % aamma t_3 : 50 %, tassani t_1 tassaalluni ukiumi kingullermi pisat tamarmiusut, 50 %-imik pingaartinneqartut, t_2 tassaalluni ukiup siuliani pisat tamarmiusut 30 %-imik pingaartinneqartut, t_3 tassaalluni ukiup pingasut matuma siorna pisat tamarmiusut, 20 %-imik pingartinneqartut.

Ukiuni kingullerni pingasuni pisat tassaapput f_1 , ukiumi kingullermi NAFO-qarfimmi X pisat, f_2 tassaallutik NAFO-qarfimmi X ukiup siuliani pisat, aamma f_3 tassaallutik NAFO-qarfimmi ukiut pingasut matuma siorna pisat X .

$$\text{Annertussutsit agguardeqartussat } X = M_{80} = (0,80 * \text{TAC})$$

$$\text{Pisat pingaartinneqartut} = Vf = 0,2 * f_3 + 0,3 * f_2 + 0,5 * f_1$$

$$\text{Pisat pingaartinneqartut (\%)} = Vf / M_{80}$$

$$\text{Pisat pingaartinneqartut} = Va = (0,2 * t_3 + 0,3 * t_2 + 0,5 * t_1)$$

$$\text{Annertussutsit pingaartinneqartut agguagassat } X = M_{80(X)} = 0,80 * \text{TAC} * (Vf / Va)$$

NAFO-qarfimmi ataatsimi pisassiissutit agguagassat tamarmiusut

NAFO-qarfimmi aalajangersimasumi inaarutaasumik pisassiissutit, X , tassaapput agguagassanit 20 % sumiiffimmi pisassiissutit katinneri, $M_{20(X)}$, kiisalu 80 %-imik agguagassat sumiiffimmi agguagassat, $M_{80(X)}$. NAFO-qarfimmi inaarutaasumik pisassiissutit $X = M_{(X)} = M_{80(X)} + M_{20(X)}$